

## Paerewa Paetae

<b>Aronga</b>	Te Reo Māori 2.5		
<b>Ingoa</b>	Waihanga tuhinga auaha, i te reo o te ao torotoro		
<b>Kaupae</b> 2	<b>Whiwhinga</b>	6	<b>Aromatawai</b> Ā-roto
<b>Marau akoranga</b>	Reo Māori		
<b>Kokonga akoranga</b>	Tuhituhi		
<b>Tūranga o nāianei</b>	Rēhitatia	<b>Rā whakamātua</b>	17 Whiringa-ā-rangi 2011
<b>Rā arotake</b>	31 Hakihea 2014	<b>Rā whakapāho</b>	17 Whiringa-ā-rangi 2011

Ka waihanga tuhinga auaha te ākonga, i te reo o te ao torotoro.

### Paearu Paetae

Paetae	Kaiaka	Kairangi
<ul style="list-style-type: none"> <li>• Waihanga tuhinga auaha, i te reo o te ao torotoro.</li> </ul>	<ul style="list-style-type: none"> <li>• Waihanga tuhinga auaha kia whai kiko ngā whakaaro, i te reo o te ao torotoro.</li> </ul>	<ul style="list-style-type: none"> <li>• Waihanga tuhinga auaha kia whai hua ngā whakaaro, i te reo o te ao torotoro.</li> </ul>

### Kōrero Āpiti

- 1 I ahu mai tēnei paerewa paetae i *The New Zealand Curriculum*, Te Pou Taki Kōrero, Te Tāhuhu o te Mātauranga, 2007, me ngā whāinga i te Taumata 7 o *Te Aho Arataki Marau mō te Ako i Te Reo Māori - Kura Auraki* at <http://tereomaori.tki.org.nz/>.
- 2 *Waihanga tuhinga auaha, i te reo o te ao torotoro:*
  - ka whakawhanake i ngā whakaaro e hāngai ana ki te tuhinga
  - ka whakamahi i ngā āhuatanga reo e hāngai ana ki te pūtake me te hunga pānui.

*Waihanga tuhinga auaha kia whai kiko ngā whakaaro, i te reo o te ao torotoro:*

- ka whakawhanake, ka honohono i ngā whakaaro
- ka āta whakamahi i ngā āhuatanga reo.

*Waihanga tuhinga auaha kia whai hua ngā whakaaro, i te reo o te ao torotoro:*

- he pakari te whakawhanake me te kōtui o ngā whakaaro
- he nanakia te whakamahi i ngā āhuatanga reo e mau ai te hunga pānui.

- 3 Ko tā tēnei paerewa, he aronui ki te kounga o ngā whakaaro i te tuhinga, mā te āta hanga, mā te arotake, mā te whakatika, mā te whakamahi i ngā āhuatanga reo e tika

ana, kia hua ake ai he tuhinga e hāngai ana ki te pūtake, ki te momo tuhinga, ki te hunga pānui anō hoki.

4 Kia 3 nui ake rānei ngā momo tuhinga e tuhia.

5 Kupu Whakamārama

*Waihanga* – ka whāia he ara pūnahanaha ki te whakamahere, ki te tuhi tauira hukihuki, ki te rāwekeweke, ki te mirimiri i te tuhinga, ki te āta tīpako anō i te reo me ngā kōrero e tutuki ai te pūtake o te tuhituhi.

*Tuhinga auaha* – he tuhituhi whakapuaki whakaaro, kare ā-roto, aha atu. Ka whai wāhi mai te reo whaiaro o te kaituhi, ūna whakaaro ake, te ahurei o ngā tuhituhi, tae atu ki te hāngai ki te pūtake me te hunga pānui (tirohia te/ngā Conditions of Assessment mō te roanga atu o ngā kōrero).

*Whakawhanake whakaaro* – ko te mea nui i konei, ko te whai kia tuawhiti ake ngā whakaaro, mā te hoatu i te whakaaro tāpiri, i te whakamārama, i te kōrero whāiti, i te tauira e hāngai ana ki te momo tuhinga, me te honohono i ngā whakaaro o roto, puta noa i te tuhinga.

*Āhuatanga reo* – hei tauira, te tīpako i ngā kupu tika, te hā o te tuhi, me ngā tikanga tuhi (mō te whakatakoto tika i te kupu, te tātaki i te kupu, me te hoatu i ngā touhtuhi tika).

6 Me whiriwhiri e te kaiako ngā horopaki e aro atu ai te ākonga ki ngā kaupapa o te ao torotoro.

7 Me whakamahi e te kaiako ngā kōrero e pā ana ki te Taumata 7, i *Te Aho Arataki Marau mō te Ako i Te Reo Māori – Kura Auraki*, Te Pou Taki Kōrero, Te Tāhuhu o te Mātauranga, 2009.

- *Te Puāwaitanga, Levels 7 and 8: Achieving personal independence in te reo Māori* (wh. 53)
- *Taumata 7: Ngā Whāinga Paetae, Ētahi Horopaki mō te Ako i te Reo, me Ngā Ara Reo*, (wh. 54)
- *Ara Reo: Tuhituhi – Writing* (wh.54).

8 *Kuputaka*

āhuatanga reo	language features
ahurei	unique
hā o te tuhi	style
kōrero whāiti	details
kōtui	integrate, synthesise
kounga	quality
mirimiri (i te tuhinga)	reshaping (the text)
momo tuhinga	text type
nanakia	clever (controlled)
pakari	advanced, mature
pūnahanaha	systematic
rāwekeweke	rework, manipulate, fashion
reo whaiaro	personal voice
tātaki (i te kupu)	spelling

tauira hukihuki	draft, example
te ao torotoro	the exploratory world, ie it includes familiar and less familiar contexts
tīpako	select
tohutuhi	punctuation
tuhinga auaha	creative (original) text
waihanga	craft
tuawhiti (ake)	having substance, worth, quality
whakaaro tāpiri	comments
whakamahere	to plan, planning
whakawhanake	to develop, developing

- 9 Arā Ngā Tikanga Aromatawai e pā ana ki tēnei paerewa paetae, kei te [www.tki.org.nz/e/community/ncea/conditions-assessment.php](http://www.tki.org.nz/e/community/ncea/conditions-assessment.php).
- 

### Kōrero Whakakapinga

I whakakapingia te AS90757 e tēnei paerewa paetae.

---

### Tātari Kounga

- 1 Me matua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa, ka rēhita ai ngā hua ka puta mai i ngā aromatawaitanga ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana ā rātou hōtaka ki ngā paerewa paetae, me uru rātou ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakatutuki i te Whakamanatanga me 0233 te Whakaōritenga.